

تنتیج



کتابات علوم دینیہ و ادبیہ و حکمیہ ایلہ السنۃ مختلفہ دن

طاقم : ۱ — قسم : ۳ — سرہ : ۱

(مختصر)

حکومت اسلامیہ

تاجی

عموم مکاتب رشدیہ عسکریہ ک اوچنی سی سنہ سی شاہ کوردانہ
تدریس ایتدیرملک اوزره تنسیب بیورلمشدر

اثر

مکتب حربیہ شاهانہ کتابت معامی بیاده بیکباشیلرندن

راشد

مجلس معارف عسکریہ طرفدن نالتدقیق کلیہ قبول و ادخال اولومشدر
معارف عمومیه نظارت حلیله سک ۴۸۰ نومبردی رخصتنامه مسیله
طبع ایدلمشدر

~~~~~

• اوچنی طبی

استانبول - ۱۳۱۸ نیسان

۲۰۱۴





تفتیش  
۱۹۵۹

# بِسْمِ اللَّهِ الرَّحْمَنِ الرَّحِيمِ

— عربستان — عربلر —

﴿ برنجی درس ﴾

اسلامیتک ظهوری

اسلامیتک ظهوری ، حضرت ابراهیم علیہ السلامک دعوتی  
عربسانده اولدیغندن دنیانک اک شرفلی ، اک مبارک اقلیمی  
عربستاندر .

عربستان قطعه سنده اسکیدنبرو عربلر اوطورلر و  
بونلرک بک جوغی کوچیه حالنده کچینیرلردی . هپسینک  
جنسی ولسانی برایدی . لکن بر فکرده اولمادقلرندن متفرق  
بر جالده یاشایارق بیوک بر حکومت میدانه کتیره مه مشلردی .  
یرلربنک چوللک اولماسی و بوجهتله ایچنده عسکر حرکتک مشکلی

متفرق : طاغتی .

بولونماسی کندیلربی دشمن هجومندن دائما محافظه ایدردی .  
 عرب قبیله لری آراسنده اکثر قریش قبیله سی ایدی .  
 زیرا مذکور قبیله حضرت اسماعیل علیه السلام نسلندن ظهوره  
 کلمشدر . بوجهتله قریش قبیله سی نجیب اولدینی کبی اسانلری  
 هپسندن دوزکون و اخلاق حمیده ایله ده سائر قبیله لردن  
 ممتاز ایدی .

### ﴿ ایکنجی درس ﴾

حضرت محمد ( صلی الله تعالی علیه وسلم ) افندمنز  
 حضرت تئریک ولادت جلیله لری — و پیغمبر لک لری

جناب نبی عالیشان و پیغمبر آخر زمان محمد المصطفی  
 ( صلی الله تعالی علیه وسلم ) افندمنز حضرت تئری بر ربیع الاول  
 آتک اون ایکنجی و رومی ایلرندن نيسانک برنجی بازار  
 ابرته سی کونی کون طوغندن سننلی و کوبکی کسلمش اولدینی  
 حاله طوغدی . جهـان نور ایله تولدی . پدر عالیلری

---

نجیب: صوبی تمیزه اخلاق حمیده : کوزل خویله : ممتاز: آیرلمش .  
 ولادت : طوغش ، طوغمه . نبی: پیغمبر . عالیشان : مرتبه سی بیوک .

عبدالله ، والدۀ محترمه لری « آمنه » ایدی . اول نبی آخر  
 زمان طوغمزدن اول وبر روایتہ کوره طوغدقدن ایکی آی  
 صوکره بدرلری وفات استدیکنندن بتیم قالدیلر .  
 مکه اھالیسی طوغان چوجقلربی شهرده طوتمایوب  
 عشرتوردن بر-سوت آناہ ویرہ رک لطیف برلرده تربیہ  
 استدیبرلردی . حضرت پیغمبری ده « بنی سعد » قبیلہ سندن  
 حارث نام ذاتک زوجہ سی « حلیمہ » خانوہ ویردیلر .  
 حلیمہ درت یاشنه قدر اوز اولادندن زیادہ خدمت  
 ایتیش ایسہده حضرت پیغمبرده کوریلان خارق العادہ حالار  
 چوغالمہ باشلانچہ حارث ایلہ حلیمہ قورقارق حضرت  
 پیغمبری مکہ یہ کتوروب والدہ سی آمنہ یہ تسلیم استدیلر . انی  
 یاشلرنده ایکن والدہ لری وفات ایتمکله دده لری عبدالمطلبک  
 یاننده قالدی .

## ﴿ اوچنچی درس ﴾

### ہجرت پیغمبری

مکہ اھالیسی نحتہ دن طاشدن یاسیلمش بتلرہ طاپارلردی .

---

خارق العادہ : عادتک خارجندہ ، فوق العادہ حالار . ہجرت : بربردن  
 باشقہ برہ کیتمک ، پیغمبر افندیمیزک مکہ مکرمہ دن مدینہ منورہ یہ تشریف  
 بیورمالری .

حضرت پیغمبره قرق یاشانده ایکن پیغمبرلک کلدی . مکه اهلایسنی دینه دعوت ایتدی . بک از کیمسه مسلمان اولدی . مسلمان اولمایانلر کندیلرینه دشمن اولارق اذیت ایتیه . وحی اویخی قوشادوب اولدیرمه یه قالقشیلر .

بونک اوزرینه حضرت پیغمبرده مکه بی ترک ایدوب مسلمانلره « مدینه » شهرینه کلدیلرکه بوکا ( هجرت نبویه ) دینیر .

بوندن سوکره مدینه ده اسلام زیاده لشدی . مسلمان اولمایان محللر اهلایسیله محاربه ایدیلرک برچوق خلق مسلمان اولدی . حتی هجرتک سکزنجی سنه سی پتله طایان اهلینک اندن مکه دخی آلتوب اهلایسی بولوک بولوک کافه مسلمان اولدی .

جناب پیغمبر یکر می اوج سنه پیغمبرلک ایتدکن سوکره هجرتک اونجی سنه سی ربیع الاولنده التمش اوج یاشنده وفات ایتدیلر ، اشبو یکر می اوج سنه ظرفنده آلآن المزده بولونان وکافه اهل ایمانک بدرقه فیض ونجاتی اولان « قرآن کریم » جناب حق طرفندن پارچه پارچه نازل اولدی .

## ﴿ دردنجی درس ﴾

### شمائل حضرت پیغمبری

رسول اکرم صلی الله علیه وسلم افندیمن حضرتلری اورتہ  
 بویلو، رنککری قرمزیمسی، اسمراللون ایدی. سرمبارککری  
 بیوک، وجه سعادتلری جزئی چکمه ونورلی ایدی. چشم  
 حقایق بینلری سیاه، ایکی قاشنک مابینی آچیق، لحيه سعادتلری  
 صیق، ایکی اوموزینک اراسی کنیش ایدی. اللری وایاقلری  
 آازقالین، صاچلری دوز، کردان رسالتپناهیلری صاف ایدی.  
 برطرفه التفات ایتسهر وجود مبارکلرینک کافه سیله  
 دونزلر. یولده یورورکن سرعتیجه یورورلر ایدی. قهقهه ایلہ  
 اصلا کولمز فقط تبسم یورور، هر نه زمان تبسم یورورسهر  
 نور صاچیلیر ایدی. دیشلری انجودانه سی کبی بیاض وپارلاق  
 ایدی. یرادیلشنده هر دور لوعیب ونقصادن مبراء ایدی. دائماً  
 کولر یوزلو ایدی. هر زمان جناب حق ذکر ایدوب لغویاته  
 متعلق هیچ برسوز سویله من ایدی. لزوم ضروری اولمادچه  
 کلام سویله میوب سکوتی اختیار ایدرلر ایدی. هر کسه

---

شمائل : اخلاق، اشکال وصفات. تبسم : کولسه مک. لغویات :  
 فائده سز سوزلر.



## ﴿التنجی درس﴾

خندق غزاسی ، فتح مکہ :

هجرتك بشنجه سنه سی شوالنده ابوسفیانك قومانداسیله  
اون بیک نفر دن زیاده براردو مدینه منوره اوزرینه یورودی .  
اسلام اردوسی اوج بیک کشیدن عبارت اولدیغندن ، حضرت  
سلمان ، ک تدبیری اوزرینه مدینه منوره اطرافنده خندقلر  
قازلدی .

کفار قریش هر قدر بونلری محاصره ایتمش ومدت محاصره  
اون بش کون سورمش ایسه ده خندقدن کچيله مدیکندن کفار  
یالکیز اوق وطاش جنیکنه قرار ویرمشلر ونه سیت انواع  
مضایقه ومشکلاته اوغرایارق ، أبوساً طاغاملر در .

خندق غزاسندن صوکره اسلاملر قوت بولمايه باشلایوب  
هجرتك التجی سنه سی ذی القعدة سنده فخر کائنات ( صلی الله  
علیه وسلم ) اقدیمز حضرتلری بیک درتیوز اصحاب کرام  
ایله طواف ایچون مدینه دن حقیقوب ، ذوالحلیفه ، نام  
موضعه واردقلرنده احرامه کیروب تبلیه یه باشلادیلر . بوخبر

محاصره : اطرافنی قوشاتنی . طواف : حاجیلرک کعبه اطرافنده  
طولاشمالری . تبلیه : عرفاتده اییک دیمک .

مکبه شایع اولدقدہ کفار قریش عـکر جمع ایدہ رک قارشو قویمق .  
ایسته دیلر ایسه ده نہایت پینلرنده مصالحہ عقد اولوندی .

### مصالحہ :

مصالحہ ، حضرت پیغمبرک (صلی اللہ علیہ وسلم) کہہ زیارتی  
ایرته سی سنہ یہ برافقاسی ، مکہ کی تشـریفلرنده اوج کوندن  
زیادہ قالمایوب اوائنادہ مکہ اہالیسنک شہر خارجنہ چیقماسی ،  
مصالحہ نک اون سنہ دوام ایلہ مسی کبی برطاقم شرائطہ دائر  
ایدی . قریشیلر ایکی سنہ صوکرہ مصالحہ بی طانیما دقلرندن  
حضرت پیغمبر (صلی اللہ علیہ وسلم) افندیمز حضرتلری  
اون بیکدن زیادہ اصحاب کرام ایلہ مکہ یہ یورو یوب قسح  
بیوردی . وکہہ معظمہ بی بتلردن تمیزلہ دی .

بوندن صوکرہ غزایہ حاجت قالمق سزین اطراف وجواردن  
خلق بولوک بولوک کلہ رک اسلامی قبول و حضرت پیغمبرک  
سایہ سعادتہ التجا ایلہ دیلر .

---

مصالحہ : باریشیق اولاق . قسح : ضبط ایتک . التجا : صغفق .

۱۲ - ۱۰۰۲

خلفاء راشدین زمانی

۶۵

### ﴿ یدنجی درس ﴾

ابوبکر الصدیق رضی الله عنه ، حضرت تلمیذ

زمان خلافتی

حضرت پیغمبر ( صلی الله علیه وسلم ) افندیمرک ارتحال  
سماعتلرندن صوگره حضرت ابوبکر ( رضی الله عنه ) خلیف  
اولدی . زماننده ( مسیلمة الکذاب ) نام فاسد قتل وتوابو  
پریشان ایدلمشدر .

بواننده مشار الیه خلافتی حضرت عمره ( رضی الله عنه  
ترك ايله هجرتك اون اوچنجی سنه سی جهازی الاولنده التمر  
اوج یاشنده اولدقلری حالد ارتحال بیوردیلر . مدر  
خلافتلری ایکی سنه دوت آیدر . ( رضی الله عنه )

مشار الیه حضرتلری احکام شریعتده ماهر اولدینی کم

---

ارتحال : اولمک .

عدالت ، عفت ، سخاوت ، شجاعت مکرمت کبی اوصاف .  
جمله بی و هر دورلو مکارم اخلاقی ذاتنده جمع ایتش ویتون  
املاک و اموالی دین اوغرنده صرف الله مشدر .

عمر الفاروق ( رضی الله عنه ) حضرت تلرینک

زمان خلافتی

حضرت عمر ( رضی الله عنه ) زماننده شام شریف فتح  
اولوندینی کبی ایران ، مصر ، سوریه ، طرابلس قلعہ لری  
دخی ضبط اولوندی . حما ، حمص ، حلب ، ( اورفه ،  
ماردین ) طرفلری دخی اسلام الله کجدی . قدس شریف  
دخی بوصره ده فتح ایدلدی . بوندن صوکره حضرت خلیفه  
هجرتک یکریمی اوچنچی سنه سی التمش اوج یاشنده شهید  
ارتحال بیوردیلر . مدت خلافتی اون سنه آلتی آیدر .  
( رضی الله عنه )

مشارالیه حضرتلری ذکی ، فطین ، عادل ، زهد و تقوا ده

بی معادل بر ذات مبارک ایدی .

---

عدالت : هر شیئی برلی برینه ایشله مک ، برابر ایتک . عفت : پرهیز  
کاراق ، ایشلنمهی چرکین اولان شیدن صافتیق . سخاوت : چومردک  
شجاعت : بورکلیک . مکرمت : اکرام ایدیمیک .

## ﴿ سکیزنجی درس ﴾

عثمان ذی النورین ( رضی اللہ عنہ ) حضرت نلرینک  
زمان خلافتی

حضرت عمر ( رضی اللہ عنہ ) دن صوکره حضرت عثمان  
( رضی اللہ عنہ ) خایفه اولدی . حضرت عثمان خلیفه اولدقده  
اولاً قرآن کریمی حفاظ کرام واسطه سیله یدی نسخه  
اوله رق جمع و تحریر ایتدیروب اطرافه کوندرمش و بوجهتله  
« جامع القرآن » عنواننه مظهر اولمشدر . زماننده خیلی رلر  
ضبط اولونمش و شام ایله مصر اوزرینه کلن روم اردوسی  
ایکی دفعه منهزم ایدلمشدر .

حضرت خلیفه هجرتک اوتوز بشنجی سنه سی سکسان  
اوچ یاشنده ارتحال بیوردیلر . مدت خلافتی اون ایکی سنه دره .  
( رضی اللہ عنہ )

خلیفه مشارالیه حضرت پیغمبرک ( صلی اللہ علیه وسلم )  
حسن شهادت و صهریت سنیه لرینه مظهر ، فضائل کثیره بی  
جامع حلیم ، کریم ، کثیرالحیا برذات عالی ایدی . ( رضی اللہ عنہ )

---

حفاظ : حافظ ، ازبرله بنلر

## ﴿ طقوزنجی درس ﴾

علی ( کرم الله وجهه ورضی الله عنه ) حضرت تلوینک  
زمان خلافتی

حضرت عثمانک ( رضی الله عنه ) ارتحالندن سوکره  
حضرت ( علی بن ابی طالب ) خلیفه اولدی .  
جناب خلیفه اول امرده اطاعتدن چیقان بعض کیمسه لرک  
ثادیجی ایچون ( کوفه ) یاقینده بر محاربه ایدرک غلبه  
ایله مشدرکه بوکا ( جَل و قمع سی ) تسمیه ایدلمشدر .  
حضرت علی بالجمله ولایتله مأمور لر کوندردرک اطاعت  
و بیعتلرینی تحت تأمینه آلمش ایسه ده بو ارالقده شام والیدی  
بولونان ( معاویه ) مخالفته بولونارک ( راقه ) یاقینده کی  
( صفین ) صحرا سنده بر محاربه یه طوتوشلمش و غلبه نهایت  
حضرت علی ( رضی الله عنه ) طرفه یوز جویرمش ایکن  
مؤخرأ مسئله نک حکم لر واسطه سیله حل و فصلنه قرار  
ویرلمشدر . بونک اوزرینه هر ایکی طرفدن حکم تعیین

---

جل : دوه . حکم : ایکی کشی بیننده . منازعه بی فصل ایچون  
حاکم پایلان کیمسه .

عن

اولونارق اوميانده ، عمرو بن العاص ، ك حيله و دسيسه سيله معاويه نكده خلافتی تصدیق قیلندی .

بوندن سوكره حضرت معاویه شام و حضرت علی (رضی الله عنه) كوفه طرفلرینه چككديلر . حضرت علی (رضی الله عنه) كوفه یه كئتكدن سوكره خوارج طائفه سی اووربینه یورویرهك چوغنی هلاك ایلدی . هجرتك قرقچی سنه سی شهر رمضانده ایشلر بیوردیلر . بوندن سوكره كوفه اهل البیت حضرت (حسن بن علی) بیعت ایتشلر سده الی آی سوكره مشارایه ده خلافتی حضرت معاویه یه ترك ایله مدینه یه چككمش و آخر عمرینه قدر اوراده عبادت و طاعات ایله مشغول اولارق هجرتك قرق طقوزنجی سنه سی قرق الی یاشنده عازم دار جنان اولمشدر . (رضی الله عنه) حضرت علی المرتضی (رضی الله عنه) جناب رسالتناه افندیك هم عم زاده سی هم ده داماد محترم لریدر . مشاوالیه حضرتلری اول درجه جامع فضل و كالات ایدیك كلامك هر حرفنده بر فصل الحکمت مندرج ایدی . فصاحت و بلاغتك چشمه سار حكمت جریانی ایدی . دریای حكمت اولان خطبه لری نامه دود اولوب خالقك بلامه ییلدیك بشیوزه قریب خطب شریفه سی وار دركه بونلری بالدهاه سوبله مشلردر . كندیلرنده زهد و قناعت زیاده اولدیقندن یكی البسه كیمز ،

کیدیکی عادی واسکی عبا ویدیکی قوت لایموت ایدی . ذاتی  
کبر وعظمتدن عاری ، حلم وزهد وتواضع لباسیله متواری  
ایدی . اهل دینه تعظیم وحرمتی ، فقرایه بذل وعطاسی  
یک زیاده ایدی . اخلاق کتابلری تزیین ایدن کلام حکمتبار -  
لری بی شماردر . اشبوه مؤمنه لازمدرکه نظرند عیبت ،  
سکوتنده فکرت . کلامنده حکمت اولو ، کلام عالیمی زبان  
حکمتفشانندن صادر اولان جل حکمیه دندر . کرم الله وجهه  
ورضی الله عنه

﴿ اونیجی درس ﴾

## آمویه دولتی

امویه دولتی هجرتک قرق برنجی سنه سی معاویه طرفندن  
تأسیس ایدیلرک شام شریف مرکز حکومت اتخاذ ایدلمشدره .  
امویه دولتی حضرت معاویه ایله برابر اسملری خلفای  
امویه جدولنده ذکر اولونان اون درت حکمران اداره  
ایتمشدر . بونلردن معاویه زمانده سودان ایله افغانستان  
وبخارایه قدر حرب ایچون عسکر کوندریلرک برچوق



مملکتلر ضبط اولوندینی کی استانبولک محاصره سنه دخی  
اوغراشلش ایسه ده موفق اولوناماشدر .

حضرت ابو ایوب الانصاری اول وقت شهید اولدینی  
و غلطه ده بولونان عرب جامعک بوتاریخده بنا اولوندینی  
مرویدر .

معاویهک اوغلی یزید یلید زماننده بادیه لغتی اولان  
کربلا وقعه فاجعه سندن ماعدا برشی اولمامشدر .

مؤمنینک چکرلرینی یاره یاره ایله یین اشبو وقعه دلسوزی  
اونوندیرمق ایچون یزید ملعون بالآخره برطاقم سفرلر  
آچش و افریقانک شمال طرفلری ایله بخارا جهتی ضبط  
واستیلایله مش و بوندن ماعدا برچوق فتوحاته دخی موفق  
اولمش ایسه ده خاندان رسول حقنده روا کوردیکی خیانت  
و ملعنته دکه دیکندن بالجمله ملل و اقوام اراسنده ملعون نام  
خیانت انجنامه مظهریتدن باشقه برشی یاپاماشدر .

### ﴿ اون برنجی درس ﴾

امویه حکمدارلری ایچنده کسب شهرت ایدن عبدالملک  
برنجی ولید ایله عمر بن عبدالعزیز اولوب بونلردن عبدالملک

---

دلسوز : کوکل یاقان . فاجعه : اچیقی وقعه .

زماننده روملردن برچوق پرلر آلتدینی کی طرابلس ضرب  
تونس ، جزایر جهتلرینه اردولر کوندریله رک خبی خدمتله  
اولونمش واسلام اچمسی دخی بونک زماننده ضرب ایدلمشدر .  
برنجی ولید زماننده ترقیات اسلامیه بک ایلری کیده رک  
اسلام اردولری برطرفدن هند و چین الکلرینه قدر  
ایلروله دیکی کبی برطرفدن دخی « موسی بن نسیر » ایله  
« طارق بن زیاد » که همت فاتحانه سیله اسپانیا قطع مسی کاملاً  
ضبط ایدلمشدر .

ولید بوقدر خدمتلیله برابر شامده ( جامع اموی )  
ایله برطاقم خسته خانله و قدسده بولنان مسجد القصابی  
انشا و تعمیر ایله دی . جاملرده مناره اقامه سی بونک  
زماننده در .

### ﴿ اوزن ایکینجی درس ﴾

عمر بن عبدالعزیز ، کندی زماننده بعض اوافق تفک  
مظفریتله موفق اولمش و بیت المالک ثروتنه چالشمشدر .  
مشارالیه حضرتلری خلفاء راشدیندن سوکره کال عدل  
و محاسن اخلاق ایله اشتهار ایتمش حلیم برذات مبارک اولوب  
کندولری ( عمر بن الخطاب رضی الله عنه ) نسلدن ایدی .

خاندان اهل بیت حرمت و محبت مخصوصه سی بك زیاده ایدی .  
 حتی امویه دولتتک ابدای تشکلتدنبرو جمعه خطبه لرنده حضرت  
 علی و اولادی ، شان عالیترینه یاقشمز سوزلرله ذکر  
 ایدلمکده لریکن مشارالیه بو عادت خبیثه بی قالدیرارق خطبه  
 نهایتنده « ان الله یأمر بالعدل والاحسان . . . » آیت  
 کریمه سنک قرائتنی بتون بلاد اسلامه امر و تعمیم بیوردیلر .  
 شوستن جلیله الحاله هذه باقیدر .

حضرت فاطمه و اولاد کرامنه ( رضی الله عنهم ) حضرت  
 پیغمبردن تخصیص بیوریلان ( فذک خرمالنی ) حضرت عثمان  
 زماننده مروان طرفندن غصب و ضبط ایدلمشدی . مشارالیه  
 خلیفه اولدقدده مذکور خرمالنی تکرار اولاد فاطمه یه  
 تخصیص ایلمشدر .

عمر بن عبدالعزیزدن سوکره کلرک سوء حال و اداره لری  
 سببیه ظهوره کلن داخلی اختلال و قاریش قلقلر حکومتک  
 کوندن کونه تدبیری موجب اولارق نهایت امویه خلیفه لرینک  
 صوکی اولان ایکنجی مروان زماننده آل عباسدن ( ابوالعباس  
 عبدالله السفاح ) « ابامسلم خراسانی » نک یاردیمله خروج  
 ایدرک امویه خانداتی محو و منقرض ایدوب ۱۳۲ سنه  
 هجریه سنده خلافت عباسیه بی تشکیل ایلدی .

## ملوك امويه جدولی

| عمر لری   | مدت حکومت لری |                    |
|-----------|---------------|--------------------|
| ۷۸ سنه ۱۹ | ۶۰ — ۴۱       | ۱ معاویه           |
| ۲۹ د ۴    | ۶۴ — ۶۰       | ۲ برنجی بزید       |
| ۲۱ آی ۳   | ۶۴ — ۶۲       | ۳ ایکنجی معاویه    |
| ۶۲ سنه ۱  | ۶۵ — ۶۴       | ۴ برنجی مروان      |
| ۶۰ د ۲۱   | ۸۶ — ۶۶       | ۵ عبدالملک         |
| ۴۶ د ۱۹   | ۹۶ — ۸۶       | ۶ برنجی ولید       |
| ۴۷ د ۳    | ۹۹ — ۹۶       | ۷ سابان            |
| ۳۹ د ۲    | ۱۰۱ — ۹۹      | ۸ عمر بن عبدالعزیز |
| ۴۰ د ۴    | ۱۰۵ — ۱۰۱     | ۹ ایکنجی بزید      |
| ۵۳ د ۲۰   | ۱۲۵ — ۱۰۵     | ۱۰ هشام            |
| ۴۰ د ۱    | ۱۲۶ — ۱۲۵     | ۱۱ ایکنجی ولید     |
| ۴۰ آی ۵   | ۱۲۷ — ۱۲۶     | ۱۲ اوچنجی بزید     |
| ۳۸ د ۲    | ۱۲۷ — ۱۲۷     | ۱۳ ابراهیم         |
| ۶۲ سنه ۵  | ۱۳۲ — ۱۲۷     | ۱۴ ایکنجی مروان    |



هارون الرشید ، عادل و غایت عاقل برخلیفه ایدی  
مسلمانلر بونک زمانده بک چوق راحت و سعادتله یاشادی.  
مشارالیه خبلی دفعه لر استانبول ایمپراطورلنی اوزرینه هجوم  
ایده رک مغلوب ایدی .

مأمونک زمان خلافتنده دخی علم و معرفت و صنایع بک  
زیاده سیله ایبروله یه رک و برچوق دارالفنونلر باییلار ق اعظم  
علما و حکما اطرافدن جلب ایدلش و « بغداد » شهرستان  
علم و معارف حالته کیرمش ایدی که اوروپا اهلایسی بیله اوزمانلر  
اسلام دارالفنونلرنده تحصیل ایدرلردی .

بونلردن صوکره کلن خلیفه لرک زمانده حکومت  
ایشلری قاریشارق کیمسه کیمسه بی طانیمز اولدی . حکومت  
کوندن کونه تدنیه یوز طوتدی . نهایت صوکره خلیفه اولان  
( المعتصم بالله ) زمانده تانار خانلرندن مشهور جنکیزک  
طوروئی ( هلاکو ) خان ترکستان طرفلرندن ظهور  
ایده رک معتصمک وزیری ( ابن علقمی ) نام خاشک خیانتی  
یاردیمه بغدادی ضبط ایدی .

عباسیه دولتی ۱۳۶ سنه سندن ۶۵۶ سنه سنه قدر یعنی  
۵۲۳ سنه دوام ایتشدر .



## عباسی خلیفه لریک جدولی

مدت خلافت لری مدت صهر لری

سنه ای

|    |                             |           |    |    |    |
|----|-----------------------------|-----------|----|----|----|
| ۱  | ابوالعباس عبدالسفاخ بن محمد | ۱۳۲ — ۱۳۶ | ۰۴ | ۰۸ | ۳۲ |
| ۲  | ابوجعفر المنصور بن محمد     | ۱۳۶ — ۱۵۸ | ۲۲ | ۰۰ | ۶۳ |
| ۳  | محمد انهدی بن منصور         | ۱۵۸ — ۱۶۹ | ۱۰ | ۰۲ | ۴۲ |
| ۴  | موسی الهادی بن مهدی         | ۱۶۹ — ۱۸۰ | ۰۱ | ۰۱ | ۲۵ |
| ۵  | هارون الرشید بن مهدی        | ۱۸۰ — ۱۹۳ | ۲۳ | ۰۳ | ۴۵ |
| ۶  | محمد الامین بن هارون        | ۱۹۳ — ۱۹۸ | ۰۴ | ۰۸ | ۲۹ |
| ۷  | عبدالله المأمون بن هارون    | ۱۹۸ — ۲۱۸ | ۲۰ | ۰۲ | ۴۸ |
| ۸  | معتمد بالله بن هارون        | ۲۱۸ — ۲۲۷ | ۰۸ | ۰۸ | ۴۸ |
| ۹  | وائق بالله بن معتمد         | ۲۲۷ — ۲۳۲ | ۰۵ | ۹۰ | ۳۶ |
| ۱۰ | متوکل علی الله بن معتمد     | ۲۳۲ — ۲۴۷ | ۱۴ | ۰۹ | ۴۱ |
| ۱۱ | مستنصر بالله بن متوکل       | ۲۴۷ — ۲۴۸ | ۰۰ | ۰۶ | ۲۴ |
| ۱۲ | مستعین بالله بن معتمد       | ۲۴۸ — ۲۵۲ | ۰۳ | ۰۹ | ۲۱ |
| ۱۳ | معتز بالله بن متوکل         | ۲۵۲ — ۲۵۵ | ۰۳ | ۰۷ | ۲۳ |
| ۱۴ | مهدی بالله بن وائق          | ۲۵۵ — ۲۵۶ | ۰۱ | ۰۰ | ۳۹ |
| ۱۵ | معتمد علی الله بن متوکل     | ۲۵۶ — ۲۸۹ | ۲۳ | ۰۰ | ۵۰ |
| ۱۶ | معتمد بالله                 | ۲۸۹ — ۲۷۹ | ۰۹ | ۱۰ | ۴۶ |
| ۱۸ | مکتفی بالله بن معتمد        | ۲۸۹ — ۲۵۵ | ۰۶ | ۰۷ | ۳۱ |
| ۱۸ | مقدر بالله بن معتمد         | ۲۹۵ — ۳۲۰ | ۳۵ | ۰۰ | ۴۸ |

مدت خلافتی مدت عمری

سنة آى

|           |    |    |    |    |                            |
|-----------|----|----|----|----|----------------------------|
| ۳۲۰ — ۳۲۲ | ۰۱ | ۱۰ | ۵۲ | ۱۹ | قاهر بالله بن معتضد        |
| ۳۲۲ — ۳۲۹ | ۰۶ | ۱۰ | ۳۲ | ۲۰ | راضی بالله بن مقتدر        |
| ۳۲۹ — ۳۳۳ | ۰۳ | ۱۱ | ۶۰ | ۲۱ | متقی بالله بن مقتدر        |
| ۳۳۳ — ۳۳۴ | ۰۱ | ۰۴ | ۴۶ | ۲۲ | مستکفی بالله بن مکنفی      |
| ۳۳۴ — ۳۶۳ | ۲۹ | ۰۵ | ۶۳ | ۲۳ | مطیع بالله بن مقتدر        |
| ۳۶۳ — ۳۸۱ | ۱۷ | ۰۹ | ۶۹ | ۲۴ | طایع بالله بن مطیع الله    |
| ۳۸۱ — ۴۲۲ | ۴۱ | ۰۳ | ۸۶ | ۲۵ | قادر بالله بن اسحق         |
| ۴۲۲ — ۴۶۷ | ۴۴ | ۰۸ | ۷۶ | ۲۶ | قائم بامر الله بن قادر     |
| ۴۶۷ — ۴۸۷ | ۱۹ | ۰۵ | ۳۹ | ۲۷ | مقتدی بالله بن محمد        |
| ۴۸۷ — ۵۱۲ | ۲۶ | ۰۰ | ۴۴ | ۲۸ | مستظهر بالله بن مقتدی      |
| ۵۱۲ — ۵۲۹ | ۱۸ | ۰۶ | ۴۳ | ۲۹ | مسترشد بالله بن مستظهر     |
| ۵۲۹ — ۵۳۰ | ۰۱ | ۰۰ | ۵۳ | ۳۰ | راشد بالله بن مسترشد       |
| ۵۳۰ — ۵۵۵ | ۲۴ | ۰۳ | ۶۶ | ۳۱ | مقتضی لامر الله بن مستظهر  |
| ۵۵۵ — ۵۶۶ | ۱۱ | ۰۱ | ۴۸ | ۳۲ | مستنجد بالله بن مقتضی      |
| ۵۶۶ — ۵۸۵ | ۰۵ | ۰۸ | ۳۹ | ۳۳ | مستضی بنور الله بن مستنجد  |
| ۵۸۵ — ۶۲۲ | ۴۷ | ۰۰ | ۶۹ | ۳۴ | ناصر لدین الله بن مستضی    |
| ۶۲۲ — ۶۲۳ | ۰۰ | ۰۹ | ۵۲ | ۳۵ | ظاهر بامر الله بن ناصر     |
| ۶۲۳ — ۶۴۰ | ۱۷ | ۰۰ | ۵۱ | ۳۶ | مستنصر بامر الله بن ظاهر   |
| ۶۴۰ — ۶۵۶ | ۱۶ | ۱۱ | ۴۷ | ۳۷ | مستعصم بامر الله بن مستنصر |



## ﴿ اون دردنجی درس ﴾

### طوائف ملوک

---

افریقاده تشکل ایدن حکومتلر

#### ۱ — بنی اغلب حکومتی

۱۸۴ — ۳۶۸

عباسیه حکومتی دها اورتمده ایکن شوراده بوراده  
اوفاق اوفاق حکومتلر ظهور ایتمشدی . بونلردن بری  
( بنی اغلب ) حکومتی دیکه تونس جهلرنده ( ابراهیم بن  
اغلب ) طرفندن تأسیس اولونمش و بربری اردبجه سکنز  
کیمسه اجرای حکومت ایتدگرن صوکره طقوزنجی امیرلری  
( ابو نصر ) زماننده منقرض اولمشدر .

#### ۲ — فاطمیه دولتی

۲۹۷ — ۵۶۸

فاطمیون دولتی ( فاطمه بنت رسول الله ) اولادندن

اولدیفنی ادعا ایدن ( عبدالله المهدی ) مصرده تأسیس ایتدی .  
 بونلر اون درت کیمسه دن عبارت اولوب ۲۰۰ سنه اجرای  
 حکومت ایتشلر در . بونلر زماننده تونس جوار یله جنوه ،  
 ساردنیا و سجلیا طرفلری الده ایدلمشدر . قاهره شهر یله جامع  
 ازهرک بناسی بونلر زماننده در .

## ﴿ اون بشنجی درس ﴾

### ۳ — ایوبیه دولتی

۵۶۷ — ۶۴۹

بو حکومتی ( صلاح الدین یوسف ) تأسیس ایتدی .  
 شویله که : مشارالیه فاطمیه دولتنک صوگ حکمداری اولان  
 ( عاضد ) ک وزیر ی ایدی . عاضدک وفاتنه کریده اوغلی  
 قالمادیغندن سلطنت بوکا کچدی و حکومته ایوبیه نامی ویردی .  
 صلاح الدین پک عادل بر قهرمان ایدی . زماننده اوروپالورک  
 انه کچن ( قدس شریف ) ی تکرار آلدیغی کبی قدسک ضبطنه  
 کلن واهل صلیب تسمیه اولونان خرسه تیان اردولرینی فنا

حالده بوزدی . بوندن صوکره طقوز کیمسه دها اجرای حکومت ایتمشده نهایت مهر وشامده اولمی اوزره حکومت ایکی به آریلارق بینلرینه نفاق کیردی وبو حال انقراض-لرینه سبب اولارق حکومت ملوکیه تشکل ایتدی .

## آسیاده تشکل ایدن حکومتلر

بالاده ذکر اولوندینی اوزره افریقاده تشکل ایدن حکومتلردن ماعدا آسیاده دخی کوچك کوچك حکومتلر پیدا اولمشدی . بونلردن باشلیجه لری ( آل بویه ) ، ( آل سامان ) ، ( آل سبکتکین ) ( در . آل سبکتکین میاننده ) محمود غزنوی ( نامیله پک شهرتلی وعدالتلی برذات یتشم شد که ایلك اوکجه سلطان عنواتی آلان بوذاندر .

## ﴿ اون التنجی درس ﴾

### سلچوقیلر زمانی

§ — دولت سلچوقیه ( ۴۲۲ — ۷۰۴ )

« (سلچوق بن بقاق) اسمنده برترك سر کرده سی معینیلر برابر

خراسان طرفلرینه کلوب شورایه بورایه هجوم ایدرک پک-  
چوق یرلری آلدی . بوندن سوکره ( اطفول پک ) نامنده  
اولان قبیله ریسی ترکستان و عجمستان طرفلرینی ضبط  
ایدرک سلجوقیه دولتی تاسیس ایلهدی . کیت کیده بو حکومت  
بیودی . کرمان ، روم دولت — سلجوقیه سی نامیله ایکی  
حکومت ده میدان چیقدی .

بولردن انک ایلری کیدن روم دولت سلجوقیه سیدر .  
بای تختلری « قونییه » شهری ایدی . بولر روملرله خیلی  
اوضارشارق « ازنیک » ی ضبط ایتمش و چوق دفعه لر روملری  
مغلوب ایلهمش ایسه ده برطرفدن اهل ضلیک تضییقی و دیگر  
طرفدن داخلی قاریشققلرک ظهوری بولری ضعیفلاتدی .  
نهایت صوک حکمدارلری اولان سلطان علاءالدین زماننده  
تاتار خانلرندن ( سلطان غازان ) هجوم ایدرک حکومتلری  
منقرض اولمش وانا طولیده بولونان اون بر بکک استقلال  
قازانمشدرکه دولت ابد مدت عنایه دخی بولردن بری ایدی .

## ﴿ اون یدنجی درس ﴾

### § اندلس حکومت اسلامییه سی

اندلس قطعه سی اوبولردن برنجی ولید زماننده اسلام

النه بکن وعربلرک اک معمور وزنکین ولایتلرینی تشکیل  
ایدن برولایت ایدی .

امویه دولتی منقرض اولدینی وقت امویه خاندانلریندن  
هشامک طورونی ( عبدالرحمن ) اسپانیایه کچرک ۱۳۹ سنه  
هجریه سنده اوراده بر حکومت تشکیل ایتدی . و بو حکومت  
( اندلس حکومت اسلامییه سی ) نامیله شهرت بولدی . بونلرک  
پای تختلری « قرطبه » شهری ایدی .

عبدالرحمن ، کندی زماننده اورتده کی قاریش-قلقلری  
منع وانلس اوزرینه یوریین فرانسزلی مغلوب ایتدی .  
هر یرده جامع ومدرس-لر یابدیرارق علم ودینه خدمتلیر  
ایله دی .

هشامدن صوکره طغوز کیمسه [۱] تحت حکومت کجادی .  
بونلردن ایکنجی عبدالرحمن داخلده چیقان بیوک بیوک  
عصیانلرک دفع وتسکیذله اوغراشدی . اوچنجی عبدالرحمن  
بونلرک اک مشهورلریندن ایدی . فنون ومعارفه اولان  
خدمتی ، « قرطبه » بی جهانک شهرستان علم ومعارفی حالنه  
کئیردی . حتی هرجهتدن اندلس مکتبلرینه کلوب تحصیل

---

[۱] ( برنجی هشام ) ، ( برنجی حکم ) ، ( ایکنجی عبدالرحمن ) .  
( برنجی محمد ) ، ( برنجی منذر ) ، ( برنجی عبدالله ) ، ( اوچنجی  
عبدالرحمن ) ، ( ایکنجی حکم ) ، ( ایکنجی هشام )

علم و معارف ایدر لر ایدی . عرب مدنی بوسرمده پک  
ایلری کیتدی . ایکنجی حکم زمانی دخی یارلاق صورتده  
کچدیسه ده اندن صوکره حکومت کریمه مک باشلادی .  
برطرفدن خرسیتیانلر هجومه ، دیگر طرفدن اهالی عصیان  
و والیر کندی کندیلرینه ایش کورمه قیام ایتدیلر .  
نهایت سایمان نامنده بر زوریا صوک خلیفه هشام زماننده  
اورقلنه فتنه ویرمه سی اوزرینه اندلس دولت امویه سی  
۴۲۲ سنه سی محو اولدی .

### ﴿ اون سکزنجی درس ﴾

هشام حکومتی ترک ایتدکن صوکره اندلس برطاقم  
بکلر اداره سنده قالدی . اون بر اسلام حکومتنه تقسیم  
اولوندی . فقط بونلر خرسیتیانلره قارشو متحد دکل ایدیلر .  
قاستیلیه حکومتی خرسیتیان ایدی . اسلاملردن بر آلفه  
وانلری ازمیه باشلادی . بونک اوزرینه افریقاده بولونان  
( صرابطین ) دولتندن امداد ایسته دیلر . صرابطینک رئیس  
اولان یوسف اسپانیاه کچدی . خرسیتیانلری مغلوب ایله دی .  
برمدت صوکره ه سرقسه ه شهری ( اراغون ) نام  
خرسیتیان حکومتنه کچدی .

## § — موحدین

افریقاده موحدین نامیلہ بر حکومت دھا تشکیل ایتدی .  
 بو حکومتی ( محمد بن تومرث ) نام کیمسه تأسیس ایلهدی .  
 بونلر صوکره لری اسپانیایه کچدیلر . اوراده بولونان اسلاملره  
 یاردیم ایتدیلر . حتی « اراکه » موقعنده خرسیتیانلری  
 یوزدیلر . نه چاره که اون الی سنه صوکره مغلوب اولوب  
 زوال بولدیلر . بو بوزغونلقدن صوکره اسلاملر کو چلدی .  
 « قرطبه » شهری خرسیتیانلر الیه کچدی .

## § — بنی احمر

( ابو عبدالله محمد بن الاحمر ) نامنده بریسی هجرتک  
 ۶۲۲ سنده « غرناطه » ده ( بنی احمر ) نامیلہ بر حکومت  
 تشکیل ایلهدی . بو اوفاجق حکومت خرسیتیانلر ایلہ ظاهرأ  
 خوش کچینه رک اوراده ایکی یوز الی سنه دن زیاده دوام  
 ایتدی . غرناطه یک معمور اولدی . اطرافدن برچوق  
 مسلمانلر اورایه طوبالاندی . مرکز حکومت بیودکجه  
 بیودی . برچوق صنعتی وجسیم بنالر و برخیلی مکتب  
 و مدرسلر وجوده کلدی . نه چاره که قوجه اندلس حکومت

اسلامیه سنی محو ایدن حمیت سزلیکلر بو کوچک حکومتی دخی  
کوچولده کوچولده نهایت غرناطه دن عبارت قالا جق برحاله  
کتیردی .

هجرتک ۸۷۰ تاریخنده بوراسیده « آرغون » قرالی  
« فردیناند » و زوجہ سی « ایزابللا » یه تسلیم اولوندی .  
بوندن صوکره اسپانیاده هیچ اسلام دوانی قالمادی .  
مسلمانلره ایدیلن ظلم و حقارت حددن آشدی . بونجه  
اتار مدنیت ، بونجه مدرسه لر ، بونجه کتبخانه لر محو و احراق  
ایدلی .





﴿ اوز طقوزنجی درس ﴾

حکومت عثمانیه

مَقْدِمَةٌ

نام جلیانی طاشیمقله افتخار ایتدیگمز غازی « عثمان »  
خان حضرتلری — سوکیلی پادشاهمز ایتدیمز حضرتلرینک  
جد امجد اعلا سیدر — هجرت نبویه نك ۶۵۶ تاریخنده « سکوده »  
قصبه سنده دنیایه کلدی . پدرلری اولجه خراساندان ارزنجانه  
کلوب اوراده برلشن ( قایی خان ) نام ترکن قبیله سنک  
ریشی ( ارطغرل غازی ) حضرتلریدر .

قونیه ده اجرای حکومت ایدن سلجوقیلردن ( سلطان  
علاءالدین کبکباد ) ناتارلرله آچش اولدینی محاربه بی ارطغرلک  
معاونتیه قازاندی . کمال ممنونیتندن . کافات اولق اوزره بروسه  
داخلنده اسکیشهر وجوارینی ( سلطان اوکی ) ناهنی ویره رک  
کندیسنه هدیه وتملیک ایله دی .

ارطغرل غازی ۶۸۰ سنه سنده وفات ایدره رك سكود  
قصبه سنده دفن ایدیلوب مقام ریارسته مخدوملری سلطان  
عثمان غازی حضرتلری تشریف ایلهدی . مشارالیه اللی درت  
سنه قدر ( قانی خان ) قبیله نئی اداره ایتمش وائشای ریاستنده  
اطرافده بولونان روم تئکفورلریله محاربه لرده بولونمشدر .

## ﴿ یکرمنجی درس ﴾

### ۱

دور عثمان غازی بن ارطغرل غازی حضرتلری

۶۹۹ — ۷۲۶

عثمان غازی حضرتلری قرق ایکی یاشنده ایکن نائل  
استقلال اولوب ۶۹۹ ده قره حصارده نامه خطبه جاییله  
اوقوتدی که ایشته بوانشاده تانارلر دولت سلجوقیه یی عو  
ایتمشلردی . عثمان غازی پایتختی یگی شهره نقل ایدره رك حكومتی  
برطاقم سنجاقلره تقسیم ایلهدی . زماننده جوارنده اولان  
برچوق لرلی روملردن الدینی کبی بیله جك ، طاراقلی ،  
کوبینك ، مدرنی ، اینه کول ، یار حصار ، قویون حصار ایله

---

تئکفور : اوزمان حدود اوزرنده بولونان روم بکلری .

ازمید ، قره مرسل حوالیسی ، لبنی اطہسی وازنیق ، قوجہ  
حصار ، لفکہ ، اطرانوس کبی برچوق یرلرغازیء مشارالہک  
ہمت فاتحانہ سیلہ عثمانیلر الہ یکدی . نہایت ۷۲۶ سنہ سندنہ  
بروسہ شہری دخی ضبط ایدلمش ایسہدہ غازیء صاحب  
جلادت بوقچی کورہمہ یوب سنہ مذکورہدہ یتیمش یاشندنہ  
اولدینی خالدہ سکوددہ وفات ایتدی . جسدہ بارکی بروسہدہدر .  
( رحمہ اللہ )

عثمان غازی عثمانلی پادشاہلرینک برنجیسیدر . ۲۶ سنہ  
حکمہداراق ایتدی . مبارک ناملری دولتہ یادکار قالدی .  
بوسیدن الیوم بزہ و عثمانلی ، دینیر .

| ولادت | جلوسی | وفاتی | مدت سلطنتی | مدت عمری |
|-------|-------|-------|------------|----------|
| ۶۵۶   | ۶۹۹   | ۷۲۶   | ۲۶         | ۷۰       |

﴿ یکریمی برنجی درس ﴾

۲

دور اورخان غازی بن عثمان خان غازی حضر تلی

۷۲۶ — ۷۶۱

سلطان عثمانک وفاتندہ اورخان غازی پادشاہ اولارق

پایتختی بروسسہ نقل ایتدی . بیوک قرناشی علاءالدین  
 پاشایی کنڈیسہ وزیر ایتدی . اورخان غازی مرمرہ  
 ساحلربلہ قرہ سی ، ازمد ، ازنیك شهرلربی ضبط ایتش  
 وحتی روم ایلی بقاسنہ دخی کچہرک کالیولی ، خیرہ بولی ،  
 ایبصالہ ، بولایر ، تکفورطاغی قلعه لرینی ضبط ایلمش  
 ونہایت ۷۶۱ سنہ سی متأراً وفات ایتشد . ( رحمہ اللہ )  
 غازیء مشارالہ زمانندہ سپاہی ، یکبچری اوجاقلربلہ  
 پیادہ و آقنچی بولوکلری تأسیس قیلندیفی کبی عثمانلی سکہ سی  
 دخی باصلمشدر .

| ولادت | جلوی | وفاتی | مدت سلطتی | مدت عمری |
|-------|------|-------|-----------|----------|
| ۶۸۷   | ۷۲۶  | ۷۶۱   | ۳۵        | ۸۵       |

### ۳

دور خداوندکار سلطان مراد اول حضرتلری

۸۶۱ — ۸۹۱

جنتمکان سلطان اورخامک وفاتندہ ایکنجی اوغلی سلطان  
 مراد اول حضرتلری اوتوز بش یاشندہ نخنہ چیقندی .

مشارالیه روم ایلیدن ادرنه وجواریخی واناطولیدن دخی اقر  
 شهرینی ضبط ایله دی . بلغارستان اوزرینه اردو سوق  
 اولونازق « نیکبولی » شهری ضبط وبتون بلغارستان فتح  
 ایلدی . نهایت صرب و مجار قرالی قوم اندالرتده اولان « له »  
 عسکر یله مشهور قوصوه محاربه سی وقوعه کله رک محاربه بی  
 عثمانلیر قازانمش ایسه ده غازی مشارالیه یاره ایلری کز رکن  
 مجروح بر صربلی نفری طرفندن شهید ایلمشدر . ( رحمه الله )

| ولادت | جلوس | وفاتی | مدت سلطنتی | مدت عمری |
|-------|------|-------|------------|----------|
| ۷۲۶   | ۷۶۱  | ۷۹۱   | ۳۱         | ۶۵       |

## ﴿ یکر می ایکنجی درس ﴾

### ۴

[۰] دور ییلدیرم سلطان بایزید خان حضر تلی

۷۹۱ — ۸۰۵

خداوندکار غازی نک شهید اولماسی اوزرینه مشارالیه ک

---

[۰] مشارالیه محاربه میدانک بر طرفندن دیگر طرفه ییلدیرم ک  
 سرعته یتشدیکندن « ییلدیرم » نامیله مشهور اولمشدر .

مخدومی بایزیدغازی به قوصوه محاربه سی میداننده بیعت ایستدیلر.  
 مشارالیه کندی زماننده ، اناطولیدن سیواس ، ملاطیه شهرلرینی  
 الدینی کبی خرسیتیانلرک الک بیوک اردولرینی نیکبولیده بوزدی.  
 استانبول ایمراطورینی ویرکی و برمه به مجبور ایستی . فقط  
 انقره جوارنده تاتارلرله ایدیلس محاربه ده مغلوب اولوب براز  
 صوکره وفات ایستی . ( رحمه الله )

| ولادی | حلوسی | وفاتی | مدت سلطنتی | مدت عمری |
|-------|-------|-------|------------|----------|
| ۷۶۱   | ۷۹۱   | ۸۰۵   | ۱۴         | ۴۴       |

۵

دور چلبی سلطان محمد خان بن ییلدیرم بایزید خان  
 حضر تلری

۸۱۶ — ۸۲۴

سلطان بایزیدک وفاتنده شهزاده لری پادشاه سن  
 اولاجق سسک بن اولاجقم دییه اون بر سنه بربرلریله غوغا  
 ایستدیلر . نهایت « چلبی سلطان محمد » پادشاه اولدی .

دواتی بویله بر بیوک مخاطره و تهاکدن قورناردی . سکزنسه  
پادشاهلق ایتدی . ( رحمه الله )

| ولادت | جالوسی | وفاتی | مدت - ملطقی | مدت عمری |
|-------|--------|-------|-------------|----------|
| ۷۹۰   | ۸۱۶    | ۸۲۴   | ۸           | ۳۳       |

## ﴿ یکر می اوچنچی درس ﴾

۶

دور سلطان مراد خان ثانی بن چای سلطان محمد  
خان حضر نلری

۸۲۴ — ۸۵۵

سلطان مشارالیه دها بك كنچ ایکن تختیه چیقدی .  
پدرلری زمانندن قالم عاصیلری تربیه ایده رک اورتانی  
دوزلندی . زماننده مشهور اولان وارنه محاربه سی وقوعه  
کلدی . اوکجه قازانامادی ایسه ده ایکنچی محاربه ده قازاندی .  
بوندن سوکوره قوصوده بر بیوک محاربه دها اولارقینه

غالبیت عثمانلیلر طرفنده قالدی . نهایت ۸۵۵ سنه سنده وفات ایتدی . ( رحمه الله )

| ولادت | جلوسی | وفاتی | مدت سلطنتی | مدت عمری |
|-------|-------|-------|------------|----------|
| ۸۰۶   | ۸۲۴   | ۸۵۵   | ۳۱         | ۵۰       |

## ۷

دور فاتح سلطان محمد خان ثانی بن سلطان مراد  
خان ثانی حضرتلری

۸۵۵ — ۸۸۶

سلطان مراد خان ثانی حضرتلرینک وفاتیه سلطان محمد خان حضرتلری پادشاه اولدی . ( ۲۰۰,۰۰۰ ) کیشیک بر اردو ایله ۸۵۷ سنه سنده استانبولی فتح ایتدی . روم ایلیده وندیکیلری واناطویایده اوزون حسن وقره مانلیلری مغلوب ایله دی . بوسنه و طربزون قرالغنی قالدیردی . ۸۸۶ ده وفات ایتدی . ( رحمه الله )

| ولادت | جلوسی | وفاتی | مدت سلطنتی | مدت عمری |
|-------|-------|-------|------------|----------|
| ۸۳۳   | ۸۵۶   | ۸۸۶   | ۳۱         | ۵۰       |



## ﴿ یکریمی دردنجی درس ﴾

### ۸

دور سلطان بایزید خان ثانی بن فاتح سلطان محمد خان  
ثانی حضر تلی

۷۸۶ — ۹۱۸

حضرت فاتحك وفاتنده اوغلی ایکنجی بایزید خان  
حضر تلی تخت سلطنته کجدی .

سلطان بایزید زمان حکومتنی محاربه دن زیاده اعمار ملکه  
حصر ایندی . بویه انده هر سـك ، قره مان ، اینه بختی کبی  
بعض محارر آندی .

مشارالیه حضر تلی اختیارلغنه مبنی عمرینک بقیه سنی  
حضور و استراحت ایله کجیرمک اوزره اوغلی سلطان سلیمی  
تخنه چیقاروب کندیبی دیمتوقه به چکلمک ایسته دیسه ده  
یوله وفات ایله دی . ( رحمه الله )

| ولادت | جلوس | وفاتی | مدت سلطنتی | مدت عمری |
|-------|------|-------|------------|----------|
| ۸۵۱   | ۸۶۰  | ۹۱۸   | ۳۲         | ۶۷       |

دور یاوز سلطان سلیم خان بن سلطان بایزید خان.

نانی حضرتلری

۹۱۸ — ۹۲۶

یاوز سلطان سلیم خان حضرتلری قرق یاشنده تختہ .  
 چیتدی . ارلا اوافق تفك غالمه لری باصدد دقدن صوکره  
 اناطولیده تخم فساد صاحجان قرق بیک قدر شیمه بی قلیچدن .  
 کیکردی . چالدران اوواسنده شدتلی بر محاربه ایدوب عجملری  
 مغلوب ایتدی . صوکره مصری ضبط ایدوب اوراده بولونان  
 خلیفه دن خلیفه لکی آلدی . خیرالدین پاشا قومانداسنده  
 بولونان دونماسی اق دکزی تیرتیر تیرتدی . مشارالیه سکنز  
 سنه پادشاهلق ایتدکدن صوکره وفات ایلهدی . ( رحمه الله ) .

| ولادت | حکومت | وفات | سلطنت | عمر |
|-------|-------|------|-------|-----|
| ۸۷۲   | ۹۱۸   | ۹۲۶  | ۸     | ۵۴  |

﴿ یکر می بشنجدی درس ﴾

۱۰

دور سلطان سلیمان خان قانونی بن سلطان سلیم  
خان حضر تلی

۹۲۶ — ۹۷۴

سلطان سلیمك وفاتيله مخدمی سلطان سلیمان قانونی  
تخت سلطنته چیقدی . مشارالیه زماننده المانیا قرالی « شارل »  
ایله محاربه ایدرک مغلوب ایتدی . ویانه بی محاصره ایله دی .  
عجملری مغلوب ایدرک تبریزه کیردیکی گهی بغدادی دخی  
آلدی . زمان سلطنتنده بالذات اون اوج دفعه سفره چیقدی .  
بونک زماننده دولت وملت ایچون اک ایی قانونلر یاییلدی .  
( رحمه الله )

| ولادت | جلوس | وفات | سلطنت | عمر |
|-------|------|------|-------|-----|
| ۹۰۰   | ۹۲۶  | ۹۷۴  | ۴۸    | ۸۴  |

## ﴿ یکر می التنجی درس ﴾

۱۱

دور سلطان سلیم خان ثانی بن سلطان سلیمان خان  
قانونی حضرتلری

۹۷۴ — ۹۸۲

مشارالیه حضرتلری زماننده عدن و یمن آندی . آق  
دکزده اهل صایب دونتماسی بوزولدیفی کبی تونس دخی  
مشارالیه زماننده ضبط ابدلی . ( رحمه الله )

| ولادتى | جلوسى | وفاتى | مدت سلطنتى | مدت عمرى |
|--------|-------|-------|------------|----------|
| ۹۲۹    | ۹۷۴   | ۹۸۲   | ۸          | ۵۳       |

۱۲

دور سلطان مراد خان ثالث بن سلطان سلیم خان  
ثانی حضرتلری

۹۸۲ — ۱۰۰۳

سلطان سلیم ثانیك وفاتنده شهزاده سلطان مراد ثالث

حضرتلری تختہ چیقہدی . مشارالیه زمانندہ عجم محاربهسی  
اون ایکی سنہ اوزادی . اوسـتریالیرله ایدیلن محاربهده  
عثمانلی اردوسی غالب اولدی .

صوقوللی محمدپاشا نامندہ عقللی بر وزیر بوزماندهیتشوب  
دولته خیلی بیوک خدمتلیر ایلهدی . پاشای مشارالیهک وفاتیه  
یکیدن برطاقم غانلهلر بوزکوستردی . نهایت سلطان مشارالیه  
۱۰۰۳ ده وفات ایتدی . ( رحمه الله )

| ولادتی | جلوسی | وفاتی | سلطنتی | مدت عمری |
|--------|-------|-------|--------|----------|
| ۹۵۲    | ۹۸۲   | ۱۰۰۳  | ۱۱     | ۴۹       |

﴿ یکریمی یدنجی ردرس ﴾

۱۳

دور سلطان محمد خان ثالث بن سلطان مراد خان

ثالث حضرتلری

۱۰۰۳ — ۱۰۱۲

سلطان محمد خان ثالث پدرلرینک وفاتیه اجداد کرامنک

تختہ جلوس ابتدی . مشار الیہ عجملر . اولاحایلر وقریم  
 قاتارلر بله اناطولیده کی جلالی غائله سنی برطرف ابتدی .  
 محارستاندہ ابتدکی محاربہ دہ بحار ولمان اردوسنہ حدینی  
 بیلدیرہ رک و اکری ، قلعہ سنی ضبط ایلہ دی ، بوسبیدن  
 مشارالیہ ( اکری فاتحی ) دیہ آگیلور . نہایت سلطان  
 مشارالیہ عجملرلہ نمسلیرہ قارشو محاربہ تدارکنندہ ایکن  
 وفات ایلہ دی . ( رحمہ اللہ )

| ولادت | جلوسی | وفاتی | سلطنتی | عمری |
|-------|-------|-------|--------|------|
| ۹۷۴   | ۱۰۰۳  | ۱۰۱۲  | ۹      | ۳۸   |

## ۱۴

دور سلطان احمد خان اول بن سلطان محمد خان  
 ثالث حضرتلری

۱۰۱۲ — ۱۰۲۶

سلطان احمد خان اول حضرتلری اون درت یاشندہ  
 تختہ جبقمش . واون درت سنہ سلطنت پورہ رک دولتک  
 اون دردنجی پادشاهی بولونمشدر . زمانندہ نمسلیرلہ حرب

ایدلمش ایسه ده بر نتیجه حسنه الده ایديله ميرهك مجارستاندن  
بعض يرلر المزدن کيتمشدر . عجملرله محاربه ايديلوب تبريز  
آلتمش وانا طولیده باش قالدیران جلالی اشقیاسی تربیه  
ایدلمشدر . بوندن براز صوکرده حضرت پادشاه وفات  
ایله مشدر . ( رحمه الله )

| ولادت | جلوس | وفاتی | مدت سلطنتی | مدت عمری |
|-------|------|-------|------------|----------|
| ۹۹۸   | ۱۰۱۲ | ۱۰۲۶  | ۱۴         | ۲۸       |

### ✽ یکر می سکزنجی درس ✽

۱۵

دور سلطان مصطفی خان بن سلطان محمد خان

نالت حضرتلری

۱۰۲۶ — ۱۰۲۷

سلطان احمدك وفاتنده برادری سلطان مصطفی پادشاه  
اولدی . سلطان مصطفی اوج آی قدر اجرای سلطنت ایتدکدن  
صوکره برخسته لیکدنشاهی حکومتدن ال چکوب گوشه  
استراحت، چکدی . زمان سلطنتده تاریخچه مهم بروقه  
ظهوره کلمه مشدر .

# ۱۶

دور سلطان عثمان خان ثانی بن سلطان احمد خان

اول حضر تلی

۱۰۲۷ — ۱۰۳۱

سلطان مصطفی دن صو کره سلطان عثمان خان ثانی نختمه  
چیقیدی . مشارالیه حضر تلی اون درت یاشنده نختمه  
چیقیدی جهنله کنج عثمان نامیله شهرت آلمشدر . زمانده  
عصیان ایدن افلاق وبغدان پرنسلینک حدلری بیلدیرلمش  
واهلیر ایله ابدیلن محاربه قازانیلوب « خوتین » قلعه سی  
یزده قالمق شرطیله مصالحه اولونمشدر . بو وقعه دن براز صو کره  
حضر ت پادشاه وفات ایله مشدر . ( رحمه الله )

| ولادت | جلوسی | وفاتی | مدت سلطنتی | مدت عمری |
|-------|-------|-------|------------|----------|
| ۱۰۱۳  | ۱۰۲۷  | ۱۰۳۱  | ۴          | ۱۸       |



## ﴿ یکر می طقوزنجی درس ﴾

### ۱۷

#### دور سلطان مراد رابع بن سلطان احمد اول حضر تلی

سلطان مراد رابع حضر تلی اون ایکی یاشنده ایکن  
تخته چیقدیغندن سکر سنه قدر بعض قاریشقلقلر دوامایتدی  
ایسهده بالآخره بعض خائنلرک وجودی اورتهدن قالدیرلدقن  
صوکره عجملرله المانلره قلیج آتیلمش ، روان ، تبریز ،  
شروان کبی یرلرله بغداد شهری تکرار انمشدر . نهایت  
حضر ت پادشاه کنج ایکن وفات ایتمشدر . ( رحمه الله )

| ولادت | جلوس | وفاتی | مدت سلطنتی | مدت عمری |
|-------|------|-------|------------|----------|
| ۱۰۲۰  | ۱۰۳۲ | ۱۰۴۹  | ۱۸         | ۲۹       |

### ۱۸

#### دور سلطان ابراهیم خان بن سلطان احمد اول حضر تلی

۱۰۴۹ — ۱۰۵۸

سلطان ابراهیم زماننده وندیکلیرله محاربه ایتک ایچون

ماضر لمان ايكیوز الی پاره سفینه ایله کریدک « حانیه » قلعه سی  
سبظ اولوندی . برطاقم عاصیلر تربیه ایدلدی . صوکره لری  
بض قاریشقاقلر ظهور ایتیش و سلطان ابراهیم دخی زیاده  
نسته لشمش اولدیغندن برینه اوغلی سلطان محمدی کچیره رک  
رشته انزوایه چکلدی .

| ولادت | جلوی | وفاتی | مدت سلطنتی | مدت عمری |
|-------|------|-------|------------|----------|
| ۱۰۲۴  | ۱۰۴۹ | ۱۰۵۸  | ۹          | ۳۴       |

### ﴿ اوتوزنجی درس ﴾

۱۹

در آوجی سلطان محمد خان رابع بن سلطان ابراهیم  
خان حضرتلری

۱۰۵۸ — ۱۰۹۹

سلطان محمد خان حضرتلری یدی یاشنده تختیه چیقیدیسه ده  
راده بوراده وقوعبولان فناقلر ، صدر اعظم کوپرلی  
ر پاشا ایلله اوغلی احمد فاضل باشلرک تدابیر عاقلانه سیله

برطرف ایدیلوب دولتک شان وشرقی ردرجه دها آرتمش.  
وکرید محاربه سینه نهایت ویریلوب « قندیه » شهری واطا  
تماماً ضبط اولونمشدر . بوندن صوکره بعض قاریش قلقار  
ظهور ایتدیکنندن سلطان محمد حکومتی براقوب قرداشی  
سلطان سایان ثانی تخته چیقدی .

| ولادتی | جلوسی | وفاتی | مدت سلطنتی | مدت عمری |
|--------|-------|-------|------------|----------|
| ۱۰۵۱   | ۱۰۵۸  | ۱۱۰۴  | ۴۱         | ۵۳       |

## ۲۰

دور ایکنجی سلطان سلیمان خان بن سلطان ابراهیم  
خان حضرتلری

۱۰۹۹ — ۱۱۰۲

سلطان سلیمان خان حضرتلرینک زماننده یکججری  
آزغینلرینک اطاعتلرلکی و مناسبتلرلکی سببیله بوسنه و مور  
الدن چیقمش ایسه ده کو بریلی زاده مصطفی پاشانک غیرتیل  
کری الندی . بوندن صوکره حضرت پادشاهک عمری و  
ایتمه یرک وفات ایله دی . ( رحمه الله )

| ولادتی | جلوسی | وفاتی | مدت سلطنتی | مدت عمری |
|--------|-------|-------|------------|----------|
| ۱۰۵۲   | ۱۰۹۹  | ۱۱۰۲  | ۳          | ۵۰       |

## ﴿ اوزتوبرنجی درس ﴾

۲۱

دور ایکنجی سلطان احمد خان نانی بن سلطان ابراهیم

خان حضرتلری

۱۱۰۶ - ۱۱۰۲

جنتمکان ایکنجی سلطان سلیمان صوکره سلطان احمد  
خان نانی حضرتلری تختہ چیقیدی . زمانندہ نمنسہ لیلر ایله  
محاربه ایدلمش ایسه ده صدر اعظم کوپرلی زاده مصطفی باشانک  
بلغرادده شهید اولماسی اردونک مغلوبیتنه سبب اولدی .  
برمدت صوکره المانیا ووندیکلیلره قارشو براردو ترتینہ  
باشلانمش ایسه ده بوصرمده حضرت پادشاه وفات ایتمشدر .  
( رحمه الله )

| ولادتی | جلوی | وفاتی | مدت سلطتی | مدت عمری |
|--------|------|-------|-----------|----------|
| ۱۰۵۳   | ۱۱۰۲ | ۱۱۰۶  | ۴         | ۵۳       |

## ۲۲

دور ایکنجی سلطان مصطفی خان بن سلطان محمد  
خان رابع حضر تلی

۱۱۱۵ — ۱۱۰۶

ایکنجی سلطان مصطفی خان حضر تلی پادشاه اولدقده  
وندیکلیله دکنز محاربه سی ایدوب ساقزی تکرار المش  
و عسکریلری پریشان ایله مشدر . صوکره لری استانبولده  
برطاقم قاریش قلعقلرک ظهوری اوزرینه سلطان مصطفی  
حضر تلی سلطنتی برادری سلطان احمد برافش و بش آی  
صوکره کندیسیده ارتحال ایتمشدر . ( رحمه الله )

| ولادتی | جلوسی | وفاتی | مدت سلطنتی | مدت عمری |
|--------|-------|-------|------------|----------|
| ۱۰۷۴   | ۱۱۰۶  | ۱۱۱۵  | ۹          | ۴۱       |

﴿ اوتوز ایکنجی درس ﴾

## ۲۳

دوراوچنجی سلطان احمد خان بن سلطان محمد خان  
رابع حضر تلی

۱۱۴۳ — ۱۱۱۵

سلطان احمد خان حضر تلی زماننده ازاق قلعه سیله

وندیکلیردن موره قطعه سی ودها برچوق اطهر ضبط  
اولونمش و برسنه صوکره هر سئك حدودنده بولونان وندیک  
ممالکی کاملاً فتح ایدلمشدر . سلطان احمد خان حضر تلری  
صوکره لری پادشاهلنی برادر زاده سی سلطان محموده ترك  
ایله اتی آی صوکره وفات ایله مشدر . ( رحمه الله )  
سلطان احمد ترقی و مدنیته سور برپادشاه عالیجه ایدی .  
زماننده موسیقی و شعر و اشا ایلروله دیکی کبی . مطبعه جیلوق  
دخی زمان شوکتلرنده احداث اولومشدر .

| ولادت | جلوسی | وفاتی | مدت سلطنتی | مدت عمری |
|-------|-------|-------|------------|----------|
| ۱۰۸۴  | ۱۱۱۵  | ۱۱۴۳  | ۲۸         | ۶۵       |

## ۲۴

دور سلطان محمود خان اول بن سلطان مصطفی خان  
ثانی حضر تلری

۱۱۶۷ — ۱۱۴۳

سلطان محمود خان حضر تلری تخته چیقیدینی اثنا ده  
عجملر بغداد اوزرینه یورودیلر .

حضرت پادشاه بونلرله حربہ طوأتشدی . لیکن بوآنشادم  
روسسیه ابله اوستریا باش قالدیردیغندن عجملرله مصالحه  
اولوندی . بوندن صوکره اردوی هایون روسلرله اوستریالولر  
اوزرینه کوندریلوب اردولری پریشان ایدلدی . حضرت  
پادشاه برجمه سالامقندن عودت ایدرکن آت اوزرنده  
وفات ایتدی . ( رحمہ اللہ )

| ولادت | جلوس | وفاتی | مدت سلطنتی | مدت عمری |
|-------|------|-------|------------|----------|
| ۱۱۰۸  | ۱۱۴۳ | ۱۱۶۸  | ۲۵         | ۶۰       |

### ﴿ اوتوز اوچنجی درس ﴾

۲۵

دور سلطان عثمان خان ثالث بن سلطان مصطفی خان  
ثانی حضر تلی

۱۱۶۷ — ۱۱۷۱

سلطان عثمان زمانده تاریخچه ذکره شایان بر محاربه

اولمامشدر . يالکوز بر يوك يانامين ظهور ايدم رک استانبولک  
همان اوچده بری يانمش وبرخیلی آدم تلف اولمشدر .

| ولادتى | جلوسى | وفاتى | سلطنتى | مدت عمرى |
|--------|-------|-------|--------|----------|
| ۱۱۱۲   | ۱۱۶۸  | ۱۱۷۱  | ۳      | ۵۹       |

## ۲۶

دور سلطان مصطفى خان ثالث بن سلطان احمد خان  
ثالث حضر تلرى

۱۱۸۷ — ۱۱۷۱

سلطان مصطفى خان حضر تلرى زمانده . لهستانی حمایه  
ایچون روسلرله محاربه ایدلمش ایسهده یکيجریلرک اطاعتنمز-  
لکی یوزندن عثمانلی اردوسی مغلوب اولمش وبرخیلی یرلر  
دشمن انه کچمشدر . بونک اوزرینه حضرت بادشاه کنديسی  
محاربهیه حاضرلاندینی صروده وفات ايله مشدر . ( رحمه الله )

| ولادتى | جلوسى | وفاتى | سلطنتى | عمرى |
|--------|-------|-------|--------|------|
| ۱۱۲۹   | ۱۱۷۱  | ۱۱۷۸  | ۱۶     | ۵۸   |



﴿ اوتوز دردنجی درس ﴾

۲۷

دور برنجی سلطان عبدالحمید خان بن سلطان احمد خان  
نالت حضر تلری

۱۲۰۳ — ۱۱۸۷

برنجی سلطان عبدالحمید خان حضر تلری دولتک قاریشق  
بر زمانده نخته چیقدی . بوانناره روسلر تکرار هجوم  
ایتمش وقریم خاننه استقلایت ویرلک اوزره مصالحه اولونمش  
وصوکره فریم بمض بهانه لر ایله بتون بتون روسیه الیه  
کیرمشدر . او اراق سوریه وجبل لبنان و یانیه طرفلرنده  
بعض اویغونسزلرک و مصرده کوله منلرک باقدینی فساد  
آنشلیری قبودان غازی حسن باشانک همت و غیرتیه سوندلرلش  
وجمله نک حدلری بیلدیرلشدر .

| ولادتی | حلوسی | وفاتی | مدت سلطنتی | مدت عمری |
|--------|-------|-------|------------|----------|
| ۱۱۳۷   | ۱۱۸۷  | ۱۲۰۳  | ۱۶         | ۶۶       |

## ۲۸

دور اوچنچی سلطان سلیم خان بن سلطان مصطفی .  
خان ثالث حضر تلی

۱۲۰۳ — ۱۲۲۲

سلطان سلیم خان ثالث حضر تلی یکرمی سکز یاشنده  
اوله رق تخت سلطنته جلوس ایتدی . زمان سلطنتلرنده  
فرانسه حکمداری ، بوناپارت ، مصری ضبط ایتدی . فقط  
اسکایز لرك معاونیه محاربه اولونوب غایه چالندی . بو محاربه ده  
مصره کیدن محمد علی پاشا اوراده قالدی . نهایت کندیسنه  
مصر والیکلی ویرلدی .

| ولادتلی | جلوسی | وفاتی | سلطنتی | عمری |
|---------|-------|-------|--------|------|
| ۱۱۷۶    | ۱۲۰۳  | ۱۲۲۲  | ۱۹     | ۴۸   |

## ۲۹

دور سلطان مصطفی خان رابع بن سلطان حمید اول حضر تلی .

۱۲۲۲ — ۱۲۲۳

سلطان مصطفی خان رابع زماننده تاریخجه شایان اهمیت

بروقه اولمامشدر . یالکیز روسیه ابله متارکه ایدلمش  
ویکیچریلرک تربیه سیله اوغراشلیمشدر . نهایت پادشاه  
جلوسنک سنه سنده ارتحال ابله مشدر .

| ولادت | جلوسی | وفاتی | مدت سلطنتی | مدت عمری |
|-------|-------|-------|------------|----------|
| ۱۱۹۳  | ۱۲۲۲  | ۱۲۲۳  | ۱          | ۳۰       |

﴿ اوتوز بشنجی درس ﴾

۳۰

دور سلطان محمود خان ثانی بن سلطان عبدالحمید خان  
اول حضرتلری

۱۲۲۳ — ۱۲۵۵

ولی نعمت بیمننمز سوکیلی پادشاهمز افندیمز حضرتلرینک  
پدر اعظملری سلطان محمود خان ثانی حضرتلری تحت عالی  
عثمانی به جلوس ایتدکلری زمان یکر می اوج یاشنده ایدیلر .

دولتمزك مؤسس تائيسى اطلاقه بحق شايد اولان سلطان  
مشاراليه - حضرتلى حداث سنيله برابر ، مفوظ اولدقلى  
درايت وعرفالى مقضاسنجه حقايق اموره آگاه بر پادشاه  
صاحب انتباه ايدير . تحته جلوس ايدر ايتمز سلطان سليم ثالث  
اكالمائه موفق اولامادىنى اصلاحاتى وجوده كتيرمكه قيام  
ايدرك يارافدار مصطفى پاشانك غيرتيله « سكبان » نامنده  
يكي بر عسكر ترتيب اولندي . ده بوني چكه مەين يكيچريلر  
برخيلي جدالدين صوكره سكبان عسكربنى ده اورته دن  
قالديرديلر . براز صوكره روسلر اعلان حرب ايدرك اوج  
سنه دوام ايدن محاربه دن صوكره « بكرش » معاهده سى  
امضالاندىنى كې اوصرده صربيليره ده بعض امتياز لر اعطا  
اولوندى .

شو صرده اوروپانك توسط و معاونتيله يونانستانك  
استقلالى تصديق اولوندى . يكيچريلر وجودلرى اورته دن  
قالديرلدى . بونك اوزرينه « عساكر منصوره » ناميله  
شمديكى كې نظام جديد عسكربى احداث : قشله لر ،  
عسكربى وطى مکتبلرى تائيس ايدلديكى كې جسم بردونما  
دخى وجوده كتيولمشدر . بواننده سلطان محمود حضرتلرينك  
ارتمالى وقوعولمشدر . ( رحمه الله )

چنبیرلی طاشده کائن تربه مخصوصه مدفوندر .  
 سلطان عالیبتار اعظم سلاطین عثمانیه دندر . زماننده  
 دولته پک بیوک خدمتیر ایتمش ، دولتک تأمین استقباله خادم  
 اسباب و وسائل لازمی تهیه ایله مشدر . هله عموم حقنده کی  
 معامله اعتدالکارانه سی کنیدیسنه ، عدلی ، عنوان جلیلی  
 قازاندر مشدر .

| ولادت | جلوسی | وفاتی | سلطنتی | عمری |
|-------|-------|-------|--------|------|
| ۱۱۹۹  | ۱۲۲۳  | ۱۲۵۵  | ۳۳     | ۵۵   |

### ﴿ اوتوز التنجی درس ﴾

۳۱

دور عبدالمجید خان بن سلطان محمود ثانی حضرتلری

۱۲۵۵ — ۱۲۷۷

والد ماجد حضرت شهریارى سلطان عبدالمجید خان

---

والد : پدر ، بابا .

حضرتلری اون سکیز یاشنده اولدینی حالدہ پادشاہ اولمشلر ایسہدہ زمان شوکت اقترانلری دولت ابد مدت عثمانیہ بر دور ترقی تشکیل ایلہ مشدر . سنوی برمایون لیرا ویرکو اعطا اولونمق ووالیک محمد علی پاشانک اکبر اولادینہ قالمق شرطیلہ مصر ، دولنک ایالت ممتازہ سی حکمنہ کیردی . بونی متعاقب دور ترقی وتجددہ مبدأ اولمق اوزره « کلخانہ خط ہمایونی » نشر اعلان اولوندی . خط ہمایون احکام منیفہ سنجہ اصلاحات ملکیہ وعسکریہ نک اجرا سنہ باشلانیدینی کبی معارف عمومہ دخی تأسیس ایدلمشدر . اصلاحات مذکورہ سایہ سنده دولت بر موجب تنسیقات یاریسی موظف ویاریسی ردیف اولمق اوزره اوچیوز بیک منتظم نظامیہ عسکری تنسیق ایلہ مشدر . دولنک بویلہ ایلرولہ بیک بر موقع ترقیہ وصولی کورن روسیہ ۱۲۶۹ سنہ سنده اعلان حرب ایتمش ایسہدہ صدر اعظم مصطفی رشید پاشا ایلہ مشارالیک مکتب سیاستندہ یتشن فوآد وعلی پاشارک تدابیر فلاطون پسندانہ لریلہ انکلتره ، فرانسه وایتالیا دولتلری تحت اتفاقہ انہرق درت سنہ دوام ایدن شو محاربہ غلبیتلہ نتیجہ ویرلمشدر . بونی متعاقب وقوعبولان کربد

---

اکبر : اک بیوک . ممتاز : امتیازی . اتفاق : برابری .

و قره طاع و سوریه طرفلرنده طهور ایدن قاریش قلاق دخی  
بر طرف ایدلشدرد . او سردهده حضرت بادشاهده قرق  
بر یاشنده ایکن عرم کلشنمیرای حنت ایدوب سلطان سلیم  
اول جامع شریفی حواله سنده کی تربیه دفن اولونمشدرد .  
( رحمه الله )

| ولادی | حلوسی | وفایی | مدت سلطنتی | مدت عمری |
|-------|-------|-------|------------|----------|
| ۱۲۳۷  | ۱۲۵۵  | ۱۲۷۷  | ۲۲         | ۴۱       |









